## 山庫全幸

史部

欽定四庫全書

史部

蜀中廣記卷九十二至

詳校官編修臣程 棍

統對官學正臣陳 未編修臣程嘉謀覆勘

腾緑監生 臣曹錫爵

7.1 2.1 太宗諱也王界之碑目云在成都府學 野中廣記 西湖世民三字皆闕畫 **曹學佺** 撰

并序凡二十一碑具在石經堂中子止之序曰鴻都 范成大石經始末記云石經已載前記是子止乃作考 |立石國學後唐長與中的國子博士田敏與其僚校諸 部所當辨正然古今字畫雖少不同而實通用耳考異 |異考異之作大抵以監本參校互有得失其間顛倒 成都記偽蜀相母昭裔捐俸金取九經琢石于學官而 經鏤之板故今世太學之傳獨此二本爾按趙清獻 經自遷徙鄰雍遂茫昧于人間唐太和中復刻十二 石

金庆四库全書

卷九十

或又云母丘裔依太和舊本令張德到書皇祐中田元 盡用太和本固已可嘉凡歷八年其石千數的高獨辨 人所書然則蜀之立石盖十經其書者不獨德到而能 吉書尚書周德貞書周禮孫朋告書毛詩禮記儀禮張 語爾雅廣政甲辰歲張德釗書周易辛亥歲楊鈞孫逢 給文書左氏傳不誌何人書而祥字闕其畫亦必為蜀 升獻又刻孟子參馬令考之偽相實毋昭裔也孝經 均補刻公羊殼梁二傳然後十二經始全至宣和間席 P 野中廣記 論

命學官儺校之石本周易說卦乾健也以下有韓康伯 **謬猶以為官既刊定難於獨改由是而觀石經固脱** 精時人弗之許而世以長與板本為便國初遂頒布 之尤偉然也公武异時守三榮當對國子監所模長與 而監本亦難盡從公武至少城寒暑一再易節暇日因 板 下收向日民間寫本不用然有記好無由參校判知 略例 本讀之其差誤盖多矣告議者謂太和石本授寫 有那毒注禮記月令從唐李林南改定者監本

**卸庆四庫定書** 

皆不取外周易經文不同者五科尚書十科毛詩四十 篇以至国窮而作是詩也左氏傳昭公十七年六物之 文理雖石本多誤然如尚書禹貢篇夢土作又毛詩日 七科周禮四十二科儀禮三十一科禮記三十二科春 2. 1. .. 占在宋衛陳鄭乎論語述而篇舉一問示之衛靈公篇 注不同者尤多不可勝紀獨計經文猶三百二科迹其 科孝經四科論語八科爾雅五科孟子二十七科其傳 秋左氏傳四十六科公羊傳二十一科殼梁傳一十 7 野中廢記 月

金好四库全書 該其事而後食其禄之類未知孰是先儒有改尚書 矣尚書一經獨有古文在豈非得於壁間以聖人舊藏 之以臆姑兩存馬亦鐫諸樂石附于經後不誣方將必 頫 之作固始於伏羲然變狀百出而不彼之若者亦已多 曰秦更前代法制以來凡曰古者後世寥乎無聞書契 有能考而正之者子止又刻古文尚書于堂而為之序 而天地亦有所護不忍使之絕減中雖遭漢巫盡唐天 為無波改春秋郭公為郭亡者世皆識之此不敢决 卷九十 無

類學者可不知數嗚呼信而好古學于古訓乃有獲盖 升 得此古文全編於學官延延士張臭做吕氏所鏤本 則古書之傳不為浪設予抵少城作石經考異之餘因 隸 氏謂尚書以其上古之書也當時科斗既不復見其為 寳之害終不能晦蝕今猶行於人間者豈無謂耶况 古定此實一耳雖然聖人遠矣而文字問可以概 刻諸石是不徒文字足以貽世若二典曰若與豪之 牒所令方將配孝經 周易經文之古者附於石 罰中廢記 經 想 孔

蘭臺漆書經字者諸儒受部於熹平成刻於光和伴 立也漢靈帝時博士試甲乙科爭第高下至有行路改 列以故弗克第述一二以示後之好奇字者識又安知 **皆察邑書史亦稱邑自書丹使工鐫刻其書畫超詩要** 悉刻蔡邕名隋志有一字石經七種其論云漢鐫七經 胡元質跋云石經云者恐俗儒穿鑿經籍疑誤後學而 世無楊子雲時乾道庚寅仲夏望日 下咸取則馬碑萬一丈廣四尺水經云立石太學其上

金炭匹庫全書

を九十一

52 1. 10 LOL 2. 4.1 刻於一二故家雖問斷不齊然殘主裂壁亦可實也因 魏 遷谷寒煨燼剝蝕之餘甚至取為柱礎為砲石者唐初 時諸儒同涉筆於其間不可知也歷年多更變故久陵 谿典楊賜馬日 磾張馴韓說單腿等正定諸經意者當 衆體而篇章之富未必能辨於一人之手傳稱邕與堂 以鏡之錦官西樓底幾補古之缺文云爾 (鄭公首訪求之十得其一况於今哉兹來少城得墜 中郎不能到也然至今存者體各不同雖中郎兼備 罰中府記 £

常山公博物治間歐陽文忠每以古今疑事語之河南 書為五十二碑自東漢歷魏晉宋數百年問洛陽數被 漢書稱石經凡四十六碑及高澄遷石經於點通鑑所 金分四月日書 六碑所能盡者宋常山公河南志稱石經凡七十三 陽記未詳也碑製高一丈廣四尺六經丈多必非 兵此碑當有毀者其遷於都乃視洛陽記多六馬疑洛 張縯跋云石經本末丞相洪公論載於隸釋詳矣洪公 未及者令粗見於此唐章懷太子引洛陽記注范雌 卷九十 四

Letter Dist Links 安國當武帝時已稱科斗書無能知者其承詔為尚書 文謂孔氏聲中書以顧考之孔壁所藏皆科斗文字孔 自書丹於碑不言為何體書令世所傳皆為隸體至儒 何有於石經則此碑之殘毀亦宜也貞觀稽古止得石 亂兩陣勝負之項猶需孽婦一觀遂以其國輸後周復 所書必有據依矣後周伐齊毀碑以為砲石方高緯昏 林傳序則云為古之篆隸三體書法以相參檢注言古 經數段其傳於今者亦可知其無幾矣察恩本傳稱邑 1 對中無記

邕正定六經與堂谿典等數人同受記令六經字體不 為 具三體書法於安國之後二百年哉漢建武際杜林避 金以此府在書 非事情也或者邕以三體參檢其文而書丹於碑則定 所 地河西得古文尚書一軸諸儒共傳寶之一軸已為世 五十九篇作傳為隸古定不復從科斗古文邑獨安能 當是時書丹者亦不獨邕也姑識其末以俟博識君 隸亦如孔安國之書傳耶儒林傳序疑字有誤者初 珍如此意平距建武又幾載乃謂六經悉能為古丈

遺常數石經隸畫取古旁擦博訪合諸家所藏得蔡中 按史稱察邑自書丹使工錦刻剛道元注水經亦云光 篆隷三體石經遺字八百一十九並鑱諸石永貽不朽 六經精微寓諸日用至於屋壁所藏殘編斷刻收拾無 宇文紹弈跋云側置給事內翰胡公每以天下自任推 たい可見といい 和六年立石太學其上悉刻察邑名則一字石經出於 郎石經四千二百七十字有奇以楷書釋之又得古文 對中原記

載瞿上城是其生處 色筆似無可疑若夫三體石經以儒林傳及之其書已 金好四月石一 授橋庇子庸漢之施儲孟喜梁丘賀焦延壽京房諸易 史記孔子傳易於商瞿瞿本魯人又云蜀人雙流縣志 出於東漢時水經乃云刻之魏正始中意者魏刻殆以 家皆本之 補漢刻遗亡耳 周商瞿易 卷九 班 固曰商瞿子木受易孔子以 +

漢書蜀人趙賓好小數書後為易飾易文以為其子明 後漢景鸞撰盆部耆舊傳云景鸞字漢伯少隨師學經 能持其説 夷陰陽氣亡其子者萬物方黃滋也賓持論巧慧易家 涉七州之地作易說及詩解文句兼取河洛以類相從 不能難皆曰非古法也云受孟喜喜為名之後賓死莫 漢趙賓易 易與集 野中意記

異於鄭玄與王氏殊隔初不見其所述而意歸多同 俱将荆州從司馬徽宋忠等學讓具傳其業仕後主為 蜀志誤字欽仲梓潼涪人也父仁字德賢與同縣尹默 欽定匹庫全書 北史安字棲鳳西城人父細脚胡通商入蜀遂家 縣縣 名為與集 右中郎將著古文易尚書詩禮左傳指歸皆依準賈馬 李譔古文易 隋何安周易講疏三卷

晏宋東虞翻陸績干寶王肅王弼姚信王廙張璠向秀 王凱冲侯果蜀才程玄韓康伯劉繳何妥崔憬沈麟士 卦之首所集有子夏孟喜京房馬融尚爽鄭玄劉表何 晁氏曰鼎祚資中人其書皆避唐諱又取序卦冠于逐 陵平入周為太學博士隋文帝受禪加通直散騎常 進爵為公卒官國子祭酒諡曰肅 歲将太學十七以伎巧事湘東王時使誦書左右江 唐李鼎祚周易集解十卷 男中時記

盧氏崔覲孔類達三十餘家又引九家易乾鑿度義所 嗣 難尋人事易習折楊黃華學徒多從之今集諸家刊 卜商之後傳註百家唯王鄭相治頗行於代鄭則多參 謂蜀才者人多不知按顏之推云范長生也其序云自 金完正庫全書 天象王乃全釋人事易之道宣偏滯於天人哉而天象 之野文輔康成之逸泉以此同好盖宗鄭學者也隋 經籍志所録易類六十九部公武今所有五部而 不載于目乾整度自是緯書焦載易林又屬卜益 たれ十 輔

置後人併之耶陳氏曰隋唐以前易家諸書迎不傳者 淮南王所聘明易者九人首爽當為之集解陸氏釋 賴此書猶見其一二而所取於前處者尤多九家者漢 縣祥書十七卷今所有止十卷而始末皆全無所亡失 得見也獨鼎祚所集諸家之説時可見其大古唐録稱 子夏書或云張旅偽為然則隋志所録捨王獨書皆未 所載説卦逸象本於九家易 趙姓註關 朗易 獨中處記 +

金完匹庫全書 偽蜀廣政辛亥孫逢吉書説卦乾健也以下有韓康伯 注 魏孝文時人從云恨其書七半隨文於解才十一篇而 殺梓州人李白當師事之所謂趙徵君也朗字子明元 略例 轉註不同者又百餘字詳其意義似石經誤而無它 訂正姑雨存馬 有那時註此與國子監本不同以蜀中印本校 石 經周易周易指略例共十一卷 老九十

宋鮮于佛子殿者取泉言清亂折諸聖之義也陳振孫 たこりられた 象欲學者觀象象文言而自得之 偽蜀滿乾貫撰專言流演其序云可以知否泰之原察 延促之數盖數學也 云其書本於王弼劉牧而時辨其非又乾坤卦不解文 易義海一百卷 周易聖斷七卷 易軌一卷 蜀中廣記

者柔為一 見氏曰其書集鄭玄至王安石凡百家取其専明人事 所稱百卷未之見也 江陽李見著見當讀易于神龜山天禧中令附驛以聞 不起乃終隱馬 郡房審權著陳振孫云書只四卷近時江都李衛彦 稍加刪削而益以東坡伊川漢上之說為撮要十卷 易樞五卷 一編或諸家說有異同敏加評議附之篇末

答曰于仲尼三陳九卦之義探其旨所以知之也且天 其用是龍圖者天散而示之伏義合而陳之仲尼默而 盈萬皆累累然如絲之縷也使龍圖本合則聖人不得 之垂象的如貫珠少有差成則不成次序故自一至于 之位猶或疑之况更陳其未合之數耶然則何以知之 原夫龍馬負圖出于義皇之代在太古之先今存已合 見其象矣所以天意先未合而形其象聖人觀象而明 陳搏易龍圖序 罰中廣記

贯三五九外包十五盡天三天五天九并五十之用後 為之用三若在陽則避孤陰在陰則避寡陽大矣哉龍 居上為道之宗地六居下為氣之本天三幹地二地 形二十四在下則六不用亦形二十四其既合也天 形地之象馬六分而幾四象地六不配在上則 形之者也其未合也惟五十五數上二十五天數也中 金定四库全書 下三十地數也亦分五位皆明五之用也十分而為六 一六元位又顯二十四之為用也兹所謂天垂象矣 一不用 四

載之微言煩然可知也晁氏曰東坡自言其學出於父 子由為子瞻志銘云先君晚歲讀易玩其父象得其剛 洵且謂卦不可交别而觀必先求其所齊之端則六爻 傳未完疾革命公述其志公泣受命卒以成書然後千 柔遠近喜怒逆順之情以觀其詞皆迎刃而解乃作易 見安岳志 圖之變歧分萬途今略述其梗緊馬西蜀崇愈陳搏立 蘇軾易傳十一卷 野中廣記

也卒官太常少即 宋史希亮字公弱青神人天聖八年進士季常造之父 之毘陵先生云紹熙辛亥七月二十日陸游識 此本先君宣和中入蜀時所得也時方禁蘇氏學故謂 之義無有不貫者未嘗鑿而通之也 篇 陳希亮制器尚象論十二篇辨鉤隱圖五十四 毘陵先生易傳跋

省翌日再過之則去矣後関人表滋問易頭曰易學在 次定四事全書 以發問二程遜謝簽者曰三陽皆失位也兄弟恍然有 程頤兄弟侍父游成都至大慈寺見治篾箍桶者挾 按耆遂寧人有俊才十四薦于鄉朱晦卷常屬門人杜 冊就視之易也沒者曰若當學此乎因指未濟男之窮 正訪其家求同人卦說詳見濂溪年譜及性理書 **粒桶約賣漿蜂翁易學** 傅耆同人卦説 7 圖中旗記

嚴君平云定當過武侯廟觀八陣圖謂其法本於易又 當見伊川先生于陪伊川欲與同脩易書不果 蜀盍往求之滋入蜀 訪問久無所遇已而見賣漿薛翁 之象與擬議以成變化諸義郭之先本蜀人其學傳自 熊定字天授涪州人當受易于羌夷中郭載得見乃謂 於眉印間與語大有所得不知所得何語也 周易通變七書 郭載易義

飲定四草全書 詩級者級龍游人 廷對極言韓佐申之好坐劾去與魏 因數而有象既形之後因象以推數因數以知理今不 太虚之實義數者太虚之定分未形之初因理而有數 有通寒經世述行異女通靈等凡七書而大意謂理者 魏鶴山云吾鄉觀物張先生行成文饒頗得易數之詳 了翁講明易學號符谿子 可論理而遺數也其書惜不傳而世亦罕知者 易則十卷 野中廣記 盂

本此義而著易傳如捨本卦而論他卦及某卦來者皆 先生其學傳于李舜臣 渝州人字當可當言易之象在畫易之道在用號縉雲 以見畫從中起乾坤中畫為誠散坎離中畫為誠明推 舜臣仙井人字子思當曰易起于畫理事象數皆因書 不取洪景盧為之序其子心傳著學易編五卷朱文 李舜臣易本傳三十三卷 馮時行易傳 老九十 20 min 100 m 見間采先儒象數變互以相發明自序曰俗士口易賢 綿竹張浚撰張敬夫杖其子也又作太極圖說 元潼川趙采徳亮著其書以程朱傳義為主而附以已 公母為學者稱之 **文孺撰不知何許人僑居成都見隱逸志** 周易折衷 易解及雜説十卷 易解十卷 蜀中廣記

于西羌學于西王國西王國者西羌之賢人也路史作 記禹敷土奠川及九州之田賦與貢道所經凡千百九 絕企東家之無過盡簡百年慨西伯之有憂愚雖衰老 存馬且以為善用易人能用易是知易矣嗚呼章編三 者體易聖人忘易孟氏著書未嘗及易邵子以為易道 十餘言尚書大傳曰禹貢可以觀事尚子注曰大禹生 願就有道而正馬 夏書禹貢

王夢作人太宗時得古本始改正 **晁氏曰偽蜀周德貞書經文祥字民字皆關其畫盖孟** 偽蜀馮繼先撰以孔顏達正義為本少加已意 土夢字盤庚若網在網皆作網字 氏未叛唐時所刊也以監本校之禹貢雲土夢作人倒 西王悝 尚書廣疏 石 經尚書十三卷 罰中野記 按沈括筆談云雲

現氏日熙寧以後專用王氏之說進退多士此書縣異 誌銘云公最後居海南作書傳推明上古之絕學多先 歸本二圖一指劉哉之醪一以形其意或云非洵作 蘇洵明允撰晁氏曰是書三論皆接經以緊傳斥末以 儒所未達 金定四庫全書 其說為多 蘇軾書傳十三卷 洪範圖論一卷 1

繪字元素綿竹人自序云詩書春秋同出於史而仲 復與也嗚呼其論偉矣 者有二可謂卓然獨見於千載之後者又言的王南征 陳氏曰坡傳角征以為義和貳於罪而忠於夏康語以 其書與成康之世無異有以知周德之衰而東周之不 釋哀服冕為非禮曰予於書見聖人之所不取而猶存 不服榜王初無慎恥哀痛之語平王當傾覆袖敗之 楊繪書九意一卷 罰中無記 極

武吉甫萬邦為憲宣王入淮吉甫以卿士兼内史掌策 其法耶故作斷堯舜書夏書禪讓稽古商書周書費誓 或刪或偷莫不有筆法馬詩春秋先儒皆言之書獨無 金定匹库全書 王時人以太師為大將薄伐擺犹有功詩人美之曰丈 大雅松高韓奕江漢烝民四篇尹吉甫作也吉甫周宣 泰誓意凡九篇 命尋復文武之境土會諸侯于東都中與之功吉南為 雅詩 卷九十一

後漢書無字叔和犍為武陽人少有高才受業於薛漢 云有趙晔者字長君會稽山陰人少當為縣吏當奉檄 馬財物遣之其所作詩題約義通學者傳之曰杜君法 官屬未滿歲皆自劾歸時撫為大夫不忍去養間賜車 子千餘人後為東平王蒼所辟及蒼就國緣史悉補王 定韓詩章白後歸鄉里教授沈静樂道舉動必以禮弟 盛蜀紀華陽國志皆稱吉甫江陽人 杜撫韓詩章句 門户商記

意也著韓詩章句十餘萬言不教諸子内學無傳業者 言唐自漢以來名官盡言曹吏言屬曹卒言侍曹殆天 安精究其術旗周問當塗高之識答曰魏閼名也當塗 蜀志瓊字伯瑜成都人仕至大鴻臚太常少受學於任 迎督郵配於厮役遂棄車馬到犍為資中指撫受詩完 金定匹庫全書 而高聖人取類而言耳周未達瓊又曰古者名官職 竟其術積二十年絕問不還家為發喪制服卒業乃歸 杜瓊雜詩章句 卷九十

晁氏曰其説以毛詩序為衛宏作非孔氏之舊止存其 偽蜀張紹文書與禮記同時刻石 蘇子由詩解二十卷 石經毛詩二十卷

首一言餘皆刑去按司馬遷曰周道缺而關睢作揚雄 意絕不同則知序非孔子之舊明矣雖然若去序不觀 則詩之辭有深津而不可知者不得不存其首之一言 曰周康之時頌聲作乎下關雖作乎上與今毛詩序之 主

N. W. .. J.

野中廣記

b 金克匹库全書 毛詩統論二十卷

無不識也家藏書至萬餘卷謄寫校對盡為住本伯龍 學舍教導凡三十年蜀士大夫與四方從官者于伯龍 郭友直撰按文同作墓志云友直字伯龍下第在成都

無不讀人有問之伯龍無不知也所以人多與之游治

通考云熙寧七年命三館松閣編詳成都府進士郭友

平中記求遺書伯龍所上凡千餘卷盖秘府之未有者

漢書張寬武帝時為侍中即第七車所知天乳星者 かくこうしき しょう 官至侍中揚州刺史 華陽國志孝文帝末年文翁為蜀守遣為士張叔等十 直及其子大亨所獻書三千七百七十九卷内五百零 三卷乃秘閣所無詔大亨官將作監主簿 (人東詣博士受七經叔明天文災異始作春秋章句 張寬春秋章句十五篇 漢張叔春秋章句 蜀中旗記 主

金炭四库全書 漢書張霸蜀郡成都人七歲通春秋復欲進餘經父母 候終終為范游說坐徙其後終作對頌黃龍鳳皇之瑞 按終成都人有兄鳳為郡吏太守康范為州所考遣鳳 於蜀物故終自傷被罪充邊乃作晨風之詩以舒其憤 漢楊終著盆部耆舊傳曰楊終徙於北地望松縣而母 凡十五章奏上詔賞還故郡 春秋外傳十二篇改定章句十五萬言 張氏春秋二十萬言

益部耆舊傳朱倉字雲卿什邡人從處士張寧受春秋 段者等慕之各市宅其傍以就學馬 斛倉不受一 雅小豆十斛屑之為糧閉户精誦寧於之飲得米二十 曰汝小未能也霸曰我饒為之故字曰伯饒就長水校 尉樊儵受嚴氏公羊春秋遂博覽五經諸生孫林劉固 春秋名號歸一圖二卷 朱雲卿春秋 一粒饑則吞紙寒則抱犬 蜀中廣記 手

之左 有所助云宋大夫莊堇秦右大夫詹據傅未始有父字 集其同者為一百六十篇音同者附之於左氏抑亦微 巽嚴李氏曰 告左丘明傅春秋於列國君臣之名字不 崇文總目偽蜀馮繼先撰以春秋官諡名字表附初名 金完匹庫全書 族譜與傳同而繼先獨以為韓 而繼先朝增之所見異本若子韓哲者盖齊項公世系 其稱多者或至四五始學者盖病其紛錯難記繼先 子哲與楚鄭二公孫里

具對 たくこうし しょう 號後刻石 現氏曰不載書丹人亦無年月諱缺祥字當是孟蜀僣 偽蜀進士蹇尊品撰擬唐禮部試進士帖經舊式數經 共篇者誤也 左傅引帖新義 石經左傳三十卷 石經穀梁傳十二卷 罰中預記

皇祐初田况知成都日刻石宋史藝丈志云偽蜀刻五 現氏日亦無年月書丹人姓名缺恒字當在真宗以後 盆坑匹庫全書 後散毀耶 經備注傳為世所稱以此觀之不應無公穀豈初有之 子由以世人多師孫復不復信史故盡棄 田况時刻 颓濱春秋集傳十二卷 石經公羊傳十二卷 二傅全以

眉山王當效司馬遷史記所作凡一百三十有四人十 寧謫居高安至元符初凡十數年暇日朝有改定下居 ここ アニ 陳氏曰涪陵在子方彦直撰紹聖中能春秋取士子方 萬餘言 龍川而書始成 氏為本至其不能通者始取二傳及啖趙祭改之自熙 春秋經解本例例要共十七卷 王氏春秋列國諸臣傅六十三卷 局中廢記 盂

博習詳考分國而紀之自東周而下大國次國特出小 矣其學辨三傳之是非而專以日用為例則正蹈其失 有佳士曰崔彦直其人不游諸公然則賢而有守可知 三上書乞復之不報遂不應進士舉黃山谷稱曰六合 夾江勾龍傳撰後溪劉氏曰傳字明甫精於春秋三傳 而不悟也 國滅國附見不獨紀其事與文而兼者其義凡采其部 三傳分國紀事本末

一 銀定匹庫全書

陳氏曰叩州教授眉山程公説伯剛撰以春秋經傳做 官制諸書自周魯而下及諸小國夷狄旨彙次之時有 司馬遷書為年表世譜律歷天文五行地理禮樂征伐 經也其後又為統論附馬 **廣安黎鎮希聲撰歐陽公之館客曰經解者言以經解** 者數十家盖嗜古尊經之士確乎其能自信者也 春秋分記九十卷 黎氏春秋經解十二卷

C. 17 .... / ....

獨中無記

Ī

**奶首以其春秋論上其書首韓王魯素王之說及杜預** 陳氏曰晋原主簿遂寧馮正符信道撰正符二上禮部 **氰憂憤以死年纔三十七兄弟三人皆以科第進中書** 所發明成一家之學公說積學苦志早年登科值逆曦 一盆坑匹库全書 舍人公 許其季也 三體五例何休三科九旨之妄皆正論也 不第教授梓遂問十年著此書及詩易論語解蜀守何 春秋得法忘例論三十卷 老九十

當國廢春秋不立學官而信道經學顧於春秋特詳鄧 初不曰宰相不喜此也此亦可見當時風俗猶淳厚士 御史嚴事制公不敢具同乃先以得法忘例論言於朝 何羣其學盖得之羣者羣學最高國史有傳其師友淵 歸故郡後又得馬允南所為墓銘信道實事安遊處士 舎人院賜出身文約尋請守號略信道亦坐附會奪官 異岩李氏曰信道當熙寧九年用御史鄧文約薦召試 源如此則謂信道附會進取或以好惡言之耳王荆公 門中廣記

潼川謝畴撰眉山李氏序曰漢藝文志有春秋古經十 學于温公號通經李氏而得法忘例實非唐夫所論也 道無子孫當書者擅易其姓名屬諸李陷的字唐夫當 各行其志不事以利禄報作御史始加於人一等矣信 羊殼梁二家所傳吳士變始為之注隋氏載馬又有賈 二篇經十一卷隋唐志同古經十二篇十一卷者本公 不知者妄託之 春秋古經十二篇

金定四年全書

學指何也情未唐初左學特盛二家寝微自杜預集解 家達要并宋以下異同加減文字悉已亡佚莫知其所 後故士變但注二家不及左氏賈達既立左氏始通三 者莫適為正盖公羊得立學官最先穀梁次之左氏最 老馬佐三傅異同三卷元和國子監脩定春秋加減 卷士樂賈達宋及李馬元和諸書令皆不存獨抱遺經 達春秋三家經訓話十二卷宋及三家經二卷唐志又 有李鼓春秋二傳異同十二卷李氏三傳異同例十三 蜀中廣記

纂例列三傳經文差 謬凡二百四十一條自言考校從 其有義理者然往往亦言未知孰是兼恐差認不止二 家本書仍各注左氏別字顧亦無決擇惟貞元末陸淳 尼遗經無復单行學者或從杜解抄出獨存左氏擴落 四年長孫無忌等重上正義丘明傳學愈益盛矣而仲 左氏合經傳為一貞觀十二年孔類達承的脩疏永微 盆坑匹库全書 百四十一條惜啖趙集傳令俱失墜無從審覆余患苦 二家幸陸德明與類達同時於太學自落音義兼存二

誤也今細數之更關一千四百二十八字數最易見者 串獲就會潼川謝轉元錫來從余将其治春秋極有功 書之仍細書其不然者於其下數十年間将走東西志 たこういっという 尚爾錯誤何况聖人筆削之旨乎余鄉所謂心以為是 司馬遷言春秋文成數萬張晏曰春秋才萬八千字遷 以約厥功彌著余撫其書喜甚亟刻板與學者共之昔 因付以斯事居三月而書成旁蒐遠引不一而足反說 此久矣嘗欲即三家所傳純取遗經心以為是者則大 蜀中廣記

會紀侯鄭伯已已及齊侯宋公衛侯熊人戰齊師宋師 盖卷第於經義初無當也 金好四年全十百 者衆未必以為是也亦獨察例考校從其有義理者云 眉山任伯雨撰晁氏曰解經不甚通例如桓十三年公 名題曰春秋古經十二公各為一篇不復分為十一卷 耳既心以為是則于證據操舍必具成說其說自當别 出兹第刻春秋純經無學者相與盡心馬仍用漢志舊 釋聖傳十二卷 老九十一

普州馬山允南撰解之父也 耶 **示知齊人伐衛衛人及齊人戰衛人** 衛師燕師敗績取穀梁戰稱人敗績稱師重眾之說殊 2017 不量的文伯撰犍為資中人 馮氏春秋通解十二卷 禮略月令章句 小戴禮註四十九篇 獨中典記 , 敗績何獨不重衆 Ē

助趙康陸質以春秋施士白以詩子陵衣奉韋形章造 金定匹库全書 以禮蔡廣成以易强蒙以論語名專門而士句子陵尤 良方正為太常博士議祧廟諸儒不能融當大歷時啖 後漢書廣漢景鸞撰禮內外記號曰禮略 陵嘉州人讀書我眉山中尤精后養戴氏之業舉賢 唐仲子凌禮記 石經禮二十卷

**晁氏曰偽蜀孫朋吉書以監本是正其字或美或脱或** 由禮三千母不敬一言足以蔽之故先儒以為首孝明 南等注盖李林甫 也其餘篇第仍舊議者謂經禮三百 知祥僭位後刻石首以月令題云御刪定盖明皇也林 晁氏曰偽蜀張給文書丹不載年月不闕唐諱當是孟 不同至千數 肆情變亂甚無謂也 石經周禮十二卷 町や黄江 F

陳氏曰魏了翁門人房審權所録條例經文附以傳注 鶴山或時有所發明止於天官而已 之註疑者三百七十五亦各辨其所以異而詳識之 據大戴之書疑者三十小戴之書疑者百九十八鄭氏 辨者八十四周禮之說與鄭氏辨者二百二十六皆有 與藝文志仙井李心傳撰其書以儀禮之說與鄭氏 鶴山周禮折衷二卷 丁丑三禮辨二十三卷

儀注例冊附見之且參以實録封禪記鹵簿記大樂記 眉山蘇洵撰雁湖李氏曰其書以開寶通禮為本而以 注採入者十七條 宋廣安游桂著桂號畏齊隆與進士官四川制置大全 而措之於天下獨新禮百篇令為太常施用者此也 及他書經禮曲禮於是兩備張文定謂其事業不得學 太常因革禮百篇 禮記經學十二卷 蜀中廣記

**新定四庫全書** 菜示敬道也禮書殘缺釋莫釋菜名義徒存儀文無 元灌縣張望著即所稱導江先生也自序曰禮皮弁 艾去百九十有八叉為論四篇以叙去取之意 扈蒙六家諡法外采令文尚書汲冢師春察邕獨斷凡 晁氏曰蘇明允撰其書取周公春秋廣益及沈約賀琛 古人論諡之書收其所長加以新意得一百六十八 嘉祐諡法三卷 释莫儀註 祭 謚

數因多可議者象設非古也開元禮猶云設席是無象 樣盖二十年牲殺器四衣服不倫勢使然也而儀章度 也開元禮朝會猶有解劍之席是服挾劍未之有聞二 也高臺魏坐而席地之禮不可見帶劍秦漢冠服之飾 文物肇開四方取則舍魯奚適關里告罹兵革官室荆 不下身沒之後郡邑放而行之能通其義者數矣中原 政和新儀差錯獨於開元禮有取申明至于再三竟格 考者唐開元禮彷彿儀禮饋食篇節文為詳朱文公謂 弱中廣記

乎楹間两階五齊三酒以四代之器為備物之享也 子宫者孔氏祖庭廣記謂金大定四十年所行何所 以尸尊自居樣象不錯諸地主人遂不坐實爵簡亦甚 數五年果為何說尸尊不就洗禮也登聖爵於狀洗者 遷神位南面配位猶故也進顏孟南向祭列如浮圖老 自外至者無主不止故立神以配而為主馬開元以後 西向主人位也自尸禮廢禮家謂自內出者無匹不行 者之失所從來久矣神位西坐東向尸位也配位東坐 列

金兵四庫全書

老九十一

思有以正之顧不學雜服不能安禮而雖善無徵無徵 士因文而完其本知交於神明不徒邊豆之事微之顯 好禮者有取馬抑禮有本有文是書所載文也習禮之 理之安將不期改而自改併附社稷風雨雷之祀庶幾 編命學徒肆習且與講説義數使之入耳著心既知義 不信乃取朱文公所考訂自儀禮開元禮而下泉為 矣幣之未薦真諸神位之左示不敢褻陳之階庭與主 人俱升則不嚴矣盖事由草創未之講也予典教于兹 前中府记 臺

藏孔氏俾後來之丈獻有足徵云 禮教生解谷調派管崙山學鳳鳴浮雲成舞曲白雪 誠之不可揜也如此則可謂知禮矣若夫器樂冠服之 金完四庫全書 卷其詩曰大樂遗鐘鼓至樂貴忘情俗久淳和變年深 隋書安既入隋文帝勘於太常寺脩正古樂作樂要 度則又博採諸家之說從其是者訂其失者與此編并 名間詩六義辨觀樂八 隋何安樂要一卷 (風平肅穆皇威暢淪連河

黃鐘之長一為一分今文脱之起積一千二百黍八字 殿柜泰中一泰之起積一十二百泰之廣度之九十 請關庶自言管得古本漢志云度起於黃鐘之長以子 益州進士房庶晓音律宋祁田況咸薦之上其樂書召 於員養壁衛技聽九成 寥亮兒鐘微飄揚程羽輕小臣屬千載時幸豫簪纓行 清釣天動絲竹刮地響錞鉦盡美兼韶濩威徳總武英 宋房庶樂書補亡三卷 罰中所記

一千二百而空徑三分四釐六毫是皆以尺生律不合 古法今庶所言以律生尺誠衆論所不及乃詔王洙與 空徑三分容泰千七百三十胡瑗以横泰累尺管容泰 定矣直秘閣范鎮是之乃為言曰李照以縱泰累尺管 於黃鐘也且漢志一為一分者盖九十分之一後儒誤 一金定匹庫全書 中泰盡得九十分為黃鐘之長九寸加一以為尺則律 故自前世以來累泰為尺以製律是律生於尺尺非起 一黍為分其法非是當以秬黍中者一千二百實管

慶官變徵二聲以足其數推以旋相生之法謂五行 詳定所又言樂府五音令無正徵國家以火德王而亡 月各以其律為官而五行相生終始無窮詔以其圖送 戾非是當改變徵為變羽易變為閨隨音加之則十 撰圖以進其說以五正二變配五音迭相為主衍之成 鎮同於脩制所如底說造進帝召輔臣觀底所進律 **龠颇奇之又令庶自陳其法且問律吕旋相為官事仰** 八十四調舊以官徵商羽角五音次第配七聲然後 局中黄記 力口

一金定四庫全書 自叙曰臣告為禮官從諸儒難問樂之差謬凡十餘事 之於史以為後世感乎殆不然也執政不聽 累泰為之者史之脱文也古人豈以難晓不合之法書 論於執政日令律之與尺所以不得其直累泰為之也 累泰尺已有定議乃補庶武私書省校書郎遣之鎮為 本音為非是景仁亦力主其説時胡瑗阮逸制樂方用 厥初未習不能不少抵牾後考周官王制司馬遷書班 記鎮樂論八篇 老九十一

米史官載之以為嘉瑞令秬泰取之民間者動至數百 嘉種維矩維在誕降者天降之也許慎云柜一样二米 又云一柜二米後漢任城縣産柜泰二斛八斗實皆二 而不相合則為非是矣謹條十者非是之驗按詩誕降 也磬也是十者必相合而不相戾然後為得今皆相戾 之柜泰也律也尺也禽也鬴也斜也美數也權衛也鐘 為八論其略曰古人以有形之物傳其法俾後人參考 **氏志得其法流通贯穿悉取酱書去其抵牾掇其要作** 到中華之

爵謂爵殘其體正圓故禽當圓徑九分深十分今龠乃 是二也又按漢書分寸尺丈引本起黃鐘之長又云九 者以竹圍為律什形本圖今以方分置等此律之為非 解皆一米河東之人謂之黑米此秬黍為非是一也古 起於黃鐘此尺之為非是三也又按漢書言龠其狀似 則日黄鐘之長令遗十二百之數而以百黍為尺又不 於量則日黃鐘之會施於權衡則日黃鐘之量施於尺 十分黄鐘之長者據千二百泰而言也千二百泰之施

|為尺矣又王制云古者以周尺八尺為步令以六尺 制長十寸廣八寸同謂之度尺以為尺則八寸十寸俱 同謂之周尺者是周用八寸十寸尺明矣故知八寸 寸為步八尺者八寸之尺也六尺四寸者十寸之尺 寸十寸之別按周禮壁美度尺好三寸以為尺壁美之 尺者八寸之尺也深尺者十寸之尺也何以知尺有 四也又按周禮鬴法方尺圓其外深尺容六斗四升方 寸深八分一釐是亦以方分置奚者此禽之非是 圭 四 th

寸二分此解之非是六也又按美法 圆分謂之徑 圆方 馬隋書載其銘曰審律嘉量解方尺圓其外施旁九釐 為鬴之方十寸尺為鬴之深令鬴方尺積十寸此鬴之 以方法算之此算數非是七也又按權衡者起千二百 五毫慕百六十二寸深尺容一斛令斜方尺深一尺六 非是五也又按漢書解法方尺圓其外容十斗旁有疵 **新定四庫全書** 泰而立法也周之關其重一釣聲中黃鐘漢之解其重 分謂之方斜所謂徑三圍九方五斜七是也今圓分而 

氏為磬倨句一矩有半其博為一股為二鼓為三盖各 其一為之厚小鐘十分其缸間之以其二為之厚令無 衛為非是八也又按見氏為鐘大鐘十分其鼓間之以 者欲見薄厚之法以考其聲也令泰之輕重未真此權 之别此磬之非是十也請以臣章下有司論定然後制 以其律之長短為法也令亦黃鐘為變而無長短厚薄 大小厚薄而一以黄鐘為率此鐘之非是九也又按磬 二對聲中黃鐘鬴斛之制有容受有尺寸又取其輕重 蜀中舞記

器元祐中上之按元豐初年韶徵松書監致仕劉几 晁氏曰景仁論樂宗房底潛心四十餘年出私財鑄樂 言鎮一家之學難以參用而樂如舊制 後可以為樂也韶送詳定所鎮自謂得古法司馬光每 · 高合升斗鬴解以校其容受容受合然後下部以求真 論難不相合而楊傑著元祐樂議破其說禮部太常亦 恭真恭至然後可以為量為鐘磬量與鐘磬合於律然 范蜀公樂書一卷

| 新定匹庫全書

大典又太常無雷鼓靈鼓路鼓而以散鼓代之不應經 · 語罷局第加恩賽而鎮謝曰此劉几樂也臣何預馬乃 かんしつ いれ ノンス 若將臣所造尺律依大小編次太常轉鐘可以成一 復上奏臣項造律內外有損益其樂和又與古樂合今 乞訪求真泰以定黃鐘而几之議律主於人聲不以尺 先正律帝然之鎮圖往昔為合升斗豆區輔斜上之又 樂以户部侍郎致住范鎮與几參考得失鎮曰定樂當 度求合其樂大抵 即李照之舊而加四清聲遂奏樂成 芜

義又八音無勉土二音不可謂備樂不報及哲宗立鎮 金成四雄全書 笛順麗巢笙和笙各二科書及圖法帝與太皇太后御 巴郡房審權撰底之子也范蜀公元祐初所奏新樂實 延和殿韶執政侍從皆往觀賜詔褒之 復請太府銅鑄律逾年樂成上樂章三鑄律十 十二轉鐘衡一尺 太樂演義三卷 一斛一響石為編磬十二特磬 基九十 二編鐘 新

員兵士自言居西蜀師事唐仙人李良授鼎樂之法皇 祐中同房底被薦既至泰律已成為阮逸所非後逸樂 按微宗崇寧元年辛臣蔡京置講議司更定大樂博求 作略取之蔡京神其說而託諸李良云 於太常皆不主其說或謂漢津舊執役於范鎮見其制 不用庶與漢津議指尺作書二篇敘述指法漢津嘗陳 知音士而魏漢津邪説遂獲售馬漢津年九十餘本剩 魏漢津樂指法二篇

**飛氏曰偽蜀張德釗書闕唐諱立石當在知祥未叛前** 敬其事而後其食作後食其禄與李點本不同者此 盆定匹库全書 其文脱兩字誤一字又述而第七舉一 **颠濱自序予少為論語解子瞻謫居黄州作論語說盡** 三字三人行必有我師馬上又有我字衛靈公第十五 蘇軾論語解五卷通考作十卷蘇縣論語拾遺 石經論語十卷 卷 隅下有而示之

一混氏日宣和中知成都府席旦刊宾于學官云偽蜀時 lated by the four 奉郎著論語解時號中山先生 蘭敏脩龍游人幼顏悟博通羣書紹與中進士官至朝 者凡二十七章謂之拾遺 為孫籀簡筠講論語於子瞻之說有所未安時為改正 取以往今見於書紙十之二三也大觀丁亥間居顏川 中山先生論語解 石經孟子十四卷 野中廣記 野二

金成四库全書 年四十八註孟子子產聽鄭國之政章謂成周改歲首 後徙居蜀家涪坪山受學於晦庵當言淳熙四年文公 浩志湖字亞夫號蓮為晋中郎將晏靖之後世居襄陽 豈有關耶其論既謬义多誤字如以頻頗為類不可勝 刻六經于石而獨無孟子經為未備夫經大成於孔氏 而不改月則晚年之確論也當欲更註而其書已行於 宋晏淵孟子註

陳氏曰次公少時所作凡二十四章 語有戒備之意孟子就凍極之時言之皆夏時云 之辭也十一月徒杠成十二月與梁成序事之辭也國 病沙乎橋梁道路可以觀政九月成杠十月成梁戒事 丑之月涸陰冱寒當此之時而以乘與濟民民能免於 世以時令考之成女之月未甚寒猶可寒蒙以涉也子 蘇過孔子弟子別傳 颊濱孟子解一卷 獨中廣記

後周成都衛元萬撰知什亦縣事楊楫序云大觀庚寅 陳氏曰張斌取經傳中凡言及顏子者録為一編 英惠儋耳以至廉水凡生理晝夜寒暑所須一身百為 金定四庫全書 于岛夷矣因命作孔子弟子别傅 不知其難初至海上為文曰志隱軾覧之曰吾可以安 過字叔黨東坡子也年十九以詩賦解兩浙路隨父謫 希颜録一卷 元包十卷 老九十

故曰加我數年五十以學易可以無大過矣包之為書 與也伏義畫卦文王重文孔子作異更三聖人而後備 類揚雄準易非深於道者不能知予觀斯文竊謂易之 閣本件鏤板以遺諸同志然妙用所寄奇字居多大率 隋唐迄今五百餘載世莫得聞項因楊元素內翰傳秘 張昇景初攜元包見遺曰是經先生所作也自後周歷 **顧瞻廟貌覧古石刻先生實高士也既而邑之前進士** 夏六月余被命來宰兹巴泣官之三日恭謁衛先生 祠 局中廣記

者未知其出處之大致故為之序云政和元年十月望 蘇源明季江等傳注作經之意思過半矣非先生之獨 東偏邑人崇奉至令不絕先生有傳在北史恐讀是經 其人道不虚行豈謂是耶先生名元萬益州成都人少 智不能造易之妙非蘇李之絕學不能探包之旨的非 其學易之至者數解簡義與殆未可以象數盡也觀唐 周賜爵扶節蜀郡公武帝尊禮不敢臣之瑩域在縣麻 不事家產潛心至道明陰陽歷等時人解知之獻策後

金定四库全書

崇文總目曰元包以坤為首因八純之官以生<u></u>愛極於 万公里日上人 隨卦附釋音于下因併鏤板合為一編底幾觀者得其 得同年張公文饒所為疏義及邑士章漢鄉校正舊本 六十四自繁其辭言外卦體不列爻位以謂易首乾尚 門而入馬則好之矣紹與三十一年南陽張洗跋 贴好事者然字古理與而難通好之者解洗來宰臨 叩 元包舊序所稱景初即光之先君子也家藏此書常以 E 蜀中庭記

壯之 緊獄真上檄章敢亦緊獄答六百竟免爾難京師莫不 少有孝行習易春秋誦說日萬言兄事同郡翟輔後 漢杜真撰益部耆舊傳曰杜真字孟宗廣漢綿行人 欲馳騁而放言超理僅止易家之區鄙云 文色首坤尚質夏連山商歸藏周易唐包其實一也雖 金月四月在書 援神鉤命解語十二篇 むれり 酮

方正拜耶令甚有德惠人為立祠樂益部風俗因留家 楊統者益部者舊傳曰統字仲通自祖父仲續舉河東 中有先祖所傳秘記為漢家用爾其脩之就感父遺言 後漢楊春卿著三國志春卿廣漢新都人善圖識學為 河洛書及天文 推步之術 服関離家從犍為周循學習先發又就同郡鄭伯山受 公孫述將漢兵平蜀春卿自殺臨命戒子統曰吾鄉衮 内鐵解說二卷

とくこしりころ という

野中廣記

呈

蜀軍先是蜀人有富蓄羣書者劉當假其數百篇然未 宣室志云故刑部尚書沛國劉遵古太和四年節度東 卒 新都代脩儒學以夏侯尚書相傳建初中為彭城令益 **句及内識二卷解說位至光禄大夫為國三老年九十** 州大旱統推陰陽消伏縣界蒙澤太守宗港使統為 多定匹库全書 求雨亦即降湖自是朝廷災異多以訪之統作家法章 周易正義題識 老九十一 郡

號十二三歲至一人八千口當有大水漂溺因得舒轉 圖書盡行沾濕歷數日水退始命列於庭曝之於羣書 とんで ラッショ 至一人八千口者一人八千口盖大和字也自上元歷 所假蜀人書也於是召賓椽觀之所謂易號十二三歲 晒曝衛陽道人李德初識劉閱其題歎異久之諦視即 云上元二年三月十一日因讀周易看此正義從兹易 中得周易正義一 盡詳問明年夏涪江大汎突入藓壘潰里中廬舍劉之 軸筆勢奇妙非近代書也卷末有識 蜀中质記

順著者 謂三墳者山氣形也七略隋志皆無其名世以為天覺 蜀中張商英得之北陽民家墳皆古文而傳乃隸書所 何人耳 齊應廣德永泰大歷建中與元貞元元和長慶賢歷至 金炭四库全書 大和凡更號十有三美與其記果相契然不知李德初 爾雅音略三卷 古三墳書一卷 老九十一

者為定 とくこうし しょう 偽蜀母昭裔撰爾雅舊有釋智審及陸朗釋文昭裔以 一字有兩音或三音後生疑于呼讀及釋其文義最明 獨中府記 里

蜀中廣記卷九十一				金灰四库全書
卷九十一				老九十一
				<u> </u>
			-	

The state of the s	TON STREET		THE PROPERTY.	Pro Company	THE REAL PROPERTY.	TAX ANCAS	THE REST LET AND A
舒周	蜀						舒
至	1			並		四	多
高志	浬		1	<b>/</b> E)		到	人
星五	光、		义	作		中	四
里一	177	士	史部	وير		r#E	庙
欽定四庫全書	121		داه	سادا		侢	17-
青富	大	义		矛		部.	全
7/2	+	古史考		著作記第二		蜀中廣記老九十二	欽定四庫全書
蘇轍	24	15		_		态	百
罗 較	[八]					カ	
12	囯					سلسا	l
175	19					-1	}
古	狭						1
- 17	继						
史六	11						1
声质六	叉						
= = = = = = = = = = = = = = = = = = = =	卓						1
->>	圣			1			1
人	午		1		日月	1	1
#	- P				1	l	
一	71			ĺ	1		
書	5		}	Ì	自	l	
150	2			l	每		1 1
Ę	14				子		1 1
一本	俊			1	明曹學住	1	1 1
- 4	陳					1	]
72	14		1		撰	1	
南	哥		1	1	八拱	1	1
3	12			1		1	
1	17,F		1.	1	1	1	1 1
欽定四庫全書 题 聖典出 二 一 三 三 三 三 三 三 三 三 三 三 三 三 三 三 三 三 三 三	蜀漢光禄大夫熊周撰樂史寰宇記引之後陳毒作古		}	1	1	1	1

始皇為七本紀十六世家三十七列傳謂之古史追録 五帝以來然不得聖人之意余因遷之舊始伏羲記秦 子由自序界曰太史公始易編年之法為紀傳世家記 聖賢之遺意以示後世云 左宣義郎眉山史炤見可撰馮時行序蘇軾兄弟以師 古史 通鑑釋文三十卷

所擔異於歷代史數四校警凡國朝故實天文地理之 次記日上上 因作詩云固窮何用怕思笑暴貴不免干天刑卒不為 中江具之異先之者異有家學教授於廣漢值逆曦欲 多或全篇少至一二語去取甚嚴 以季春聘士吏詣異請書行藝年籍異叱曰此何時 廣漢張斌敬夫撰取通鑑中言論之精確者表而出之 通鑑類編十卷國典二十卷 通鑑論為三卷 勒中廣記

雜見於諸書靡適折東則亦傳疑而已嘉祐中康節 張拭撰序曰太史遷作十二國世表始紀甲子起於成 先生雅出於河南窮往知來精極於數作皇極經世書 趙介胄全叔著簡池人 書图不精治為文沉涵而有致士大夫稱之 周共和庚申之歲庚申而上則莫紀馬歷世寖遠其事 經世紀年二卷 通鑑綱要

歷放自堯甲辰至皇上乾道改元之歲凡三千五百二 然得其真萬世不可改易者也杖不自揆朝因先生之 誤可知是類皆自史遷以來傳習之認一旦使學者曉 位十一 方是時外內生二年仲壬生四年耳又武王伐商已嗣 說成湯之後盖實傳孫孟子所說特以太丁未立而卒 紀康節以數知之乃合於尚書成湯既没太甲元年之 上稽唐堯受命甲辰之元為編年譜如云外丙仲壬之 年故書序稱十有一年而復稱十有三年者其

欠不可与 八十

金好四月在書 堯之丧乙酉書踐位之實 內成書元載格於文祖自己 見則因而明之大節目有六如孟子謂堯舜三年之丧 十有三年列為六國命曰經世紀年以便觀覧問有鄙 見帝王奉天命之大旨其可問而弗彰故於甲申書 畢舜禹避堯舜之子而天下歸之然後踐天子位此乃 書命禹之解合自丁已至癸酉是薦禹十有七年也與 孟子之說合於禹受命之際書法亦然然而書稱舜 酉至丁已是践位三十有三載也則書薦禹於天與尚 老九十二

表光武之中與也漢吕太后稱制既不得係年而所立 他人子名為少帝者又安得承統故復欽此數年獨書 續足為萬代中與之冠尾於新莽之暴缺其年亦足以 位五十載防方乃死則是史官自堯崩之明年通數之 間有夏之統故缺此四十載不書獨書少康出處而紀 仍氏凡四十年而後犯夏配天不失舊物寒浞豈可使 耳夏后相二十有八載寒浞弒相明年少康始生於有 元載於復國之歲以見少康四十年經營宗祀絕而復

蜀漢遠後主亡國而始繁魏凡此皆節目之大者妄意 號則漢統烏得為絕故獻帝之後即係昭烈年號書曰 漢獻之末曹丕雖稱帝而昭烈以王義立於蜀不改漢 **延定正庫全書** 王不欲臣箕子尚存商立箕子之志也由魏以降南北 周始稱年皆改之書可見而周書洪範獨稱祀者是武 曰吕太后臨朝稱制亦范太史祖禹繁嗣聖紀年意也 明微扶正不自知其愚也其他如夏以上稱載商稱祀 分裂而統獨係於江南五代选縣則都中原者不得 巻れ十二

繋云 華陽梁鼎二十篇眉山王當十三卷任該三卷俱見本 志傳 並五代杜光庭撰光庭偽蜀青城道士 7 卷 史記州文外傳十二卷 帝王年代州郡長歷二卷古今類聚年號圖 二家史論 蜀中府記

簡之禍 之後以這唐初為後史記綱紀粗立筆削未終而嬰段 論考同異終與馬後受詔删太史公書為十餘萬言 盆定匹库全書 漢書楊終字子山蜀郡成都人永平中詔諸儒白虎觀 盧藏用作陳子昂傳曰子昂常恨國史蕪雜乃自漢武 夹者英耶人何武弟也與成都楊申俱通經緯 後史記 漢徳春秋十五巻 をルナニ

簡池劉涇巨齊撰 簡州趙介胄著 唐安丈正倫著 事有先見之明 漢書筆記後漢纂言 西漢馬永 西漢發揮十卷 國志六十五卷 蜀中廣記 ᄎ

傳中則見萬本夏侯氏之子也高贵鄉公書卒而載司 萬孔明之見父而致貶離求丁氏米不獲而不立儀庫 紀而稱漢具曰傳又改漢曰蜀世頗識之若謂其街諸 馬昭之奏則見公之不得其死也他皆類此但以魏為 髙簡有法如不言曹操本生而戴夏侯惇及淵於諸曹 晁氏曰晋陳壽撰魏四紀二十六列傳蜀十五列傳吳 二十列傳宋文帝嫌其畧命裴松之補注博採羣說分 入書中其多過本書數倍王通數稱壽書今細觀之實

載於蜀書余皆註疏本未於其解下 仕射聲校尉以延熙四年著季漢輔臣赞其所領述多 陳壽志戲字文然犍為武陽人少知名丞相亮深識之 毒門下寫三國志 王隱晋書曰陳壽卒詔下河南尹華澹遣吏裔紙筆就 傳亦未必然也 楊戲季漢輔臣贊 國人物論三卷 常寬泰恭撰蜀後志 用中黄江 Ł

給與十四年并憲孟為四川唐始檄諸州學官求政和 為後論以達其意 廣漢張拭撰以東壽作史私且西泉集他傳及裴松之 所注為之而削去管樂自許一 東蜀楊天惠祐甫撰 颁沈約宋書時四川五十餘州皆不被兵書頗 南北朝七書 諸葛武侯傳一卷 をカナニ 則朱晦翁以為不然又 有

夫隋蜀王秀鎮益州遷秀府司馬秀後陰有異謀隋文 最後得宇文季家家本偶有所少者於是七史遂全因 北史隋姚最僧坦之子也通經史好著述為太子門大 在者然往往亡缺不全收合補級獨少後魏書十許卷 命眉山刊行馬 後梁畧十卷

大きうられ たれい

曰凡有不法皆最所為王實不知也榜訊數百卒無異

野中廣記

帝令公御窮其事開府慶整部帶等並推過於秀最獨

辭竟坐誅論者義之撰梁後略十卷行於世 金云四月石書 紀聞談三卷 老れ十二

宋嘉祐末年端明殿學士宋祁子京知成都府帶唐書 書目亦作潘遠其曰遺者本誤也所記隋唐遗事 陳氏曰蜀潘遠撰館閣書目按李淑作潘遺今考邯鄲 新唐書列傳

媵婢夾侍和墨伸紙遠近觀者皆知尚書脩唐書望之

於本任刊脩每宴罷鹽散畢開寢門垂一簾燃二樣燭

**晁氏曰成都吳鎮撰鎮字廷珍仕至郡守數新唐書初** 若神仙馬 唐書辯證二十卷

瑛遣官奴告之曰廢必有與公為援宰相可常處九龄 能屬文誤有該河如新書張九齡傳云武惠妃陷太子 修之時其失有八類其外誤二十門凡四百餘事鎮不

蜀中府記

奏之故卒九齡相而太子無患鎮以為時九齡已相而

代史蔡誤俱刊行之紹與中福唐吳仲實元美為湖州 唐書時有蜀人吳鎮者初登第因范景仁而請於文忠 在為紅謬一書至元祐中鎮遊官蹉跎老為郡守與五 王氏揮塵銀曰嘉祐中韶宋景文歐陽文忠諸公重修 終無患乎初名斜謬其後改為辯證實一書 | 藝在相位日太子得不廢也豈謂卒以九龄為相太子 願預官屬之末上書文忠言甚懇切文忠以其年少輕 拒之鎮鞅鞅而去逮夫新書之成廼從其間指摘

美偽蜀王行舊察家在成都便於歸計且言成都具有 **缺雜書益不足記** 本朝實録故有是命及使四所得纔九朝而已其餘殘 後唐史記曰都官郎中庾傳美充三州搜訪圖籍使傳 實為左氏之忠臣然不知縝著書之本意也 教授復刻於郡库且作後序以謂誠膏肓起廢疾杜預 ここう...マイ... 唐鑑二十卷 唐九朝實録 獨中廣記

傳於世情哉 華陽范祖禹醇夫撰醇夫為温公通鑑局編脩官十五 罪於君子有所不辭凡三百六篇 年分掌唐史以其所自得著成此書取武后臨朝二 超定匹库全書 丹鉛録云之翰名甫蜀人所著唐論筆力在范祖禹之 上與青神王當所編春秋名臣傳皆有史選之風令罕 一年繁之中宗其言曰此春秋公在乾侯之義也雖得 孫之翰唐論 中宗景龍四年睿宗即位未踰年而改

而正不典也噫凛凛乎春秋之筆也 位不可無始也一年不可二君也不終則忘孝矣不始 即位必踰年而改元者先君之年不可不終也後君繼 一龍四年正月至五月自五月後直書景雲六月至十二 則無本矣一年二君則民聽惑矣故書景雲年戒無禮 月庶得其實而貶亦在其中矣之翰之論曰古之人君 元景雲之翰書去其元字而書景雲年慎謂前若書景 **唐録備闕十五巻** 

蜀州張商英撰 眉山蘇軾著見人物便覽 父子累官門下侍郎平章事性坦率無檢操雅善吹笛 金炭匹庫全書 其所長但蜀之卿相奢靡相尚逈能守儉素此乃可稱 太祖常召至便殿令奏數曲迎為歌詩甚富掌語命 五代歐陽迎者見宋史迎益州人常事蜀王行及知祥 唐書辯疑 **唐史發潛六卷** 

簡州趙全叔著 唐安文正倫撰 77. 17.21 1.11 邛州李繪撰志 云繪舉八行不就以文史自 妈 鄭少微撰 唐書韻記十卷 唐史囊括四卷 唐史 發揮十二卷 **唐書補註二百卷** 罰中廣記

茂貞劉守光安巴堅 吳唐 閩廣胡越兩蜀事迹宋太祖 時人考之不詳也 後蜀東海何光遠輝夫撰又云證聖中暴輯唐以來君 盆定匹库全書 語毀其書以所 紀多失實也 陵州孫光憲輯唐泊五代事跡續為總歷然以黃巢李 臣事迹可為世鑒者前有劉曦度序李獻臣云不知何 鑑減録十卷 續通歷十卷

晁氏曰具鎮撰凡二百餘事皆歐陽永叔新五代史 做 事之類甚聚今此書皆不及之特證其字之脱錯而已 悟奸部也按通鑑考異證歐陽史差誤如莊宗還三矢 以為高氏從事在荆江北故命編云 **晁氏曰蜀孫光憲從陽班元證遊多聞唐世賢哲言行** 因纂輯之且附以五代十國事取傳田於江南之夢自 五代史纂誤五卷 北夢琐言二十卷 雜録一卷

大からいって

罰中廣記

快多載馬道行義 季與事張唐英補撰者 十國各為世家列傳凡四十九卷末二卷為北楚言髙 宋路振子發撰雜記具越唐前後蜀東漢南漢閩楚凡 又善本未必皆然 金好四牌全書 宋蘇者撰易簡之子舜卿之父也記五代以來雜事下 開談録二卷 九國志補二卷

**發情討論使眾說咸會於一敢先具建隆迄開寶凡十** 辞熙寧之更新元祐之圖舊此最大事家自為說臣輒 慶應之盟誓曩霄諒祚之叛服嘉祐之立子治平之復 隆與元年知祭州李素奏臣當盡力史學於本朝故事 紛錯難信如建隆開寳之禪授涪陵歧魏之遷殁景德 尤切於慕每恨學士大夫各信所傳不放諸實録正史 續通鑑長編一百六十八卷續通鑑長編舉要 六十八巻

容臣更加整察節次投進臣竊間司馬光之作資治通 失於緊無失於客今唐紀取祖禹之六百卷刪為八 鑑也先使其察採掘其間以年月日為叢目叢目既成 三月五朝事迹共一百八卷投進治平以後文字增多 言臣准朝旨取臣所著續資治通鑑自建隆迄元符令 七年為十有七卷上進 乃脩長編唐三百年范祖禹實掌之光謂祖禹長編寧 有司繕寫投進今先次寫到建隆元年至治平四年閏 乾道四年禮部郎官李燕上

表上進 長編自建隆迄治平今欲暴輯治平以後至中與以前 淳熙元年知瀘州李燾上言臣先次投進續資治通鑑 是破巧說偽辯之紛無益以的明祖宗之豐功盛德區 卷是也臣今所蔡集義例悉用光所創立錯綜銓次皆 區小惠或在可錄所有續資治通鑑長編一百八卷隨 通鑑長編可也旁采異間補實録正史之關客祭求真 有依憑顧臣此書記可便謂續資治通鑑姑謂續資治 獨中廣記

淳熙九年知遂寧府李泰上言臣累次進所為續資治 和康之大於置大在伐關天下之大利害者其事跡比 **畧又均分之總為二百八十卷然熙豊祐聖符靖崇觀** 治平以前特異軍失之緊無失之暑必須春明稱制臨 六十年事迹庶幾一祖八宗之豐功盛德燦然具存無 尾暴究端緒合為長編凡六十年年為一卷以字之繁 所閥遗顧此六十年事於實録正史外頗多所增益首 如兩漢宣章故事無使各自為說乃可傳信無窮

金页四月在書

老九十二

為聚九朝三世之各見殊間事或傳於两說惟折諸聖 後總目共五卷已上四種通計一千六十三卷六百、 為九百八十卷之間其字繁文冗本末頗難立見暑存 修換事總為目一十卷又緣一百六十八年之事分散 **廼得其真臣網羅収拾垂四十年級華穿聯踰一千卷** 梗緊庶易檢尋今創為建隆至靖康舉要六十八卷并 十七冊投進者紀一 通鑑長編今重別寫進共九百八十卷計六百四冊其 祖八宗之盛德至善義寧止於百 蜀中府記

遷葉通謂春秋以後纔有此書也 生死文字間長編一書用力四十年孝宗謂無愧司馬 先正臣死且不朽乾道六年奉旨降付續資治通鑑長 難逃乎衆人之指目漢孝宣稱制决疑故事最高於甘 本傳李仁甫如霜松雪相無嗜好無姬侍不殖産平 露我神考錫名冠序治鑑莫徹於元符豫席恩言比迹 抵牾何敢自保精力幾盡此書非仰託大君之品題 一百七十六冊秘書省令依通鑑紙樣繕寫進納

彭庆匹库全書

王氏揮塵録曰殿中侍御史張唐英當述仁宗政要 畧亦用實訓體 侍講范祖禹撰元祐八年經筵所上凡三百十七條大 宋仁宗英宗兩朝國史也史官王珪等撰珪字禹玉華 欠三日三十二 八詳見本集 仁皇訓典六卷 兩朝國史一百二十卷 仁宗政要四十卷 弱中廣記 <u>t</u> 四

銀凡三集 蒲江高載著宋史載讀禮於家以其暇覽前朝史牒堂 金云四庫全書 蜀州張商英著 宋史陳堯吳久典機密軍馬之籍悉能周記乃著請盟 十卷上之 請盟録二十卷 通鑑巨編 神宗正典六卷 老九十二

然有感乃取制詞之褒貶廷論之是非萃成巨編而自 並丹稜李素撰 とこうう 祭 質凡百數十年治亂開卷瞭然 以已意識其後大抵以國史實録長編會要為之據依 熙豊祐聖迄於隆乾淳熙黨論屢變國勢價起不常版 而 時部音訓詞封章奏疏則於先賢文集私史簡稽 阜陵大事記一卷 重脩嶽宗實録二百卷思陵大事記三十六卷 两中海記

並綿竹張淡著 有孝宗要喜初草二十二卷 曾自隆與後相繼為之會蜀亂散失不可復得心傳又 金 好 匹 库 全書 工部侍郎陵陽李心傳微之撰盖與異嚴長編相續亦 記十一巻 建炎以來繁年要録二百卷建炎以來朝野雜 建炎復碎平江實録一 中與十三處戰功録一卷 HALL BY THE PARTY OF 老九十二 卷中與備覽四十 答

載古令制度沿革會要專述典故非類書也 也凡通典會要前書及館閣書目皆列之類書按通典 陳氏曰不著名氏或言魏鶴山所為似方草割未成書 處編為一書所謂司熟藏其貳者也開禧乙丑北事將 然政眉山李壁李章撰中與以來樂冠立功惟此十 作其書成 四朝會要總類五百八十八卷 宋朝通典二百卷 明中無記

**盆定四庫全書** 之具也 陳氏日蜀人張和卿編集為一百五十門盖舉子答策 卷中與後事為後集三十三卷 眉山彭百川叔融撰畧用袁樞本末條例為前集四十 李心傳所編合三書為一刻於蜀中 國史對 韻十二卷 宋朝事類極要二百五十卷 宋朝治迹統類七十三卷 國朝事始

最而畢又請采經史切要之言為御屏風十卷置處座 2 天下何道臣願以皇王之道治之舊有御覽臣請鈔畧 朝旗取事實可為規矩鑒戒者用韻編次之即此書也 問以令代典故則情然不知乃自太祖開基迄於仁宗 蜀公范鎮撰具仲庶當稱景仁憫諸後學雖涉書傳而 宋史田錫表聖嘉州人嘗奏真宗曰陛下即位以來治 四部別為御覽三百六十篇萬幾之暇日覽一卷可經 御覽三百六十卷 御屏經史切要十卷 1

燦然成文章為令講官第 戒其音琅然間者與起東坡常曰淳夫講書言簡義明 盆定匹库全書 時語者不出口及當講開列古義仍參之時事以為勸 夕正衣冠嚴然如在上前命子弟侍坐先按講其說平 范祖禹醇夫暴自古賢君之於宋代祖宗務學事迹為 之側則治亂與亡之鑒當在目矣詔史館以羣書借之 ,篇以勸講淳夫元祐時在講筵八年詰旦當講前 帝學編 老九十二

員賢相之稱功烈赫然著見於一時者亦必得君之事 名三公實一相耳自秦以降名實漫失問有環俸絕持 周家並建三公而一公實兼家宰故旦與夾輔成王而 他人參貳乎其間堯相舜舜相禹禹相學陶學陶既沒 李無撰其自序器曰古之所謂相者一而已初未曾使 誕保文武受命者專屬之旦旦歸於豐與乃專政盖其 乃相益湯相伊尹傳所謂仲虺為湯左相者不足信也 歴代宰相年表 弱中廣記

徒見趙高王莽曹操司馬懿其禍如此之酷也而不察 任相不發其利而家其禍是君之不明非相之權果不 夫帝王之所以隆盛其為利盖亦溥哉不能還治其本 遏然而一相之任終不可分者唐虞夏商之成法也彼 之雖姦雄或得以肆其惡攘竊天下傾國敗家不可禁 孟庆匹库全書 歷年之久而莫或參貳之故也權出於一而莫或參貳 而反疑其末並列兼制使相牵引而相遂失其職矣夫 使出於一也既奪其職分其權則所謂相者特一 巻九十二

副安危所係今猶古也其所以得相及所以失相者要 身乃為他官名實斜紛賢不肖溷淆其或多至十三 必孜孜以德為言被誠知所本者與本之不知則其選 亂無有定制或居其位而不得間其政或當軸東釣而 用益雜而多端矣選用雜而多端故其稱號亦顛倒錯 徳耳故曰惟尹躬暨湯咸有一徳而舜禹皐陶之胥命 人而其少猶不下四五章古所謂相寧若此乎然而 有司耳其何以總百官治萬事而亮天功耶凡相取其 罰中應記 治 四

金完四庫全書 機務執極要者其不成在事有本未附見於下否則暴 四卷 文揭當今之遠鑑乎合一千五百三十四年離為三十 之使其人與其官皆相傳而不絕觀宰相之出處進退 司馬遷經緯之法追為年表起漢元記周顯德告之參 何如而天下安危治亂在目中矣其足以補前代之缺 不具脱暑抵牾迷失真本乃旁搜遠取推究前後悉用 不可不知按諸舊史惟前漢及唐頗有譜牒其他率皆

官也 者亦得徑行其權勢氣力又出諫官上祖宗之聖等神 表若其人必天子自擇而宰相優容之乃能有濟猶諫 将備矣令亦斷自天聖以來取丞雜三院姓名悉列之 則與諫官俱任言責臺雖有等級也而義所當緊則果 仁甫自序曰御史法官也其責不專於言而天禧選用 天禧以來諫官年表 天禧以來御史年表 用や馬記

者不一天禧别置諫院禮扶優異他官莫擬崇廣言路 者初置諫大夫猶未限員東京循舊弗改後乃寝微晋 官以言責專付一官則由漢武帝失之武帝誠不喜諫 經之文始有七人之限夫以天下之衆而敢言者繞七 泊江表省其官拓跋魏復置其員亦不可知高齊縁孝 有言責輻凑並進而天子斟酌馬未當以言責專付 人尚足為治耶恭惟祖宗明目達聰協於虞舜任言責 仁甫自序畧曰古者自公卿大夫士至於工商莫不皆

金定匹庫全書

陳氏曰大理少卿蜀人張縯李長撰專載新舊遷轉 登台輔其名迹皆可考見嗚呼盛哉今斷自天禧置院 莫在此位或誤選試旋加汰斥言而當者曾不十年徑 異亦以寄禄為未然也 以來作諫官年表并列古今之變為二說以附者之 · 該官御史權勢氣力乃與宰相等盖當時所用諫官御 史必取天下第一 職官記一卷 流非學術才行俱備為一世所萬者

為序 張唐英集仁宗朝賢臣五十餘人各為之傳即仁宗政 欽定四庫全書 要中之一門耳 成都費樞伯樞撰自秦至唐凡百十有四人宣和乙已 姚希得逢原著 續宋名臣言行録 嘉祐名臣傳五卷 廉吏傳十卷 老九十二

	 7.30×11		Processor		Trescond:	
7						
>						
i						
-						
3						
						1
ij						
3						
蜀中庭记						
Ī						
츽						
	-	W. T. S.	ALCO THE	-		PREPRINT

蜀中廣記卷九十二					金グログノニー
を九					
- L					を九十二
THE SECURITY CONTRACTOR OF THE SECURITY CONTRACT	SE ADDIVIDATION O CHIEF DE MARCO ADDIVIDADE POR CONTROL DE CONTROL				